



Broj:04-11-2728/21

Datum: 17.09.2021.godine

Na osnovu člana 69. stav (2) tačka b), člana 70. stav 1.,4. i 6. Zakona o javnim nabavkama ("Službeni glasnik BiH", 39/14), a na preporuku Komisije za javnu nabavku, broj:04-11-2728/21, od 16.09.2021. godine, u pregovaračkom postupku bez objave obavještenja za nabavku dodatnih radova regulisanja otpadnih voda u naselju Kruhari-Jezernice, Općinski načelnik donosi:

### **ODLUKU o poništenju postupka javne nabavke**

#### Član 1.

Poništava se postupak javne nabavke-pregovarački postupak bez objave obavještenja za nabavku dodatnih radova regulisanja otpadnih voda u naselju Kruhari-Jezernice, **iz razloga što nije dostavljen nijedan zahtjev za učešće u pregovaračkom postupku bez objave obavještenja**, član 69. stav (2) tačka b) Zakona o javnim nabavkama BiH.

#### Član 2.

Za izvršenje ove odluke zadužuje se i ovlašćuje Služba za finansije, trezor i zajedničke poslove.

#### Član 3.

Ova Odluka stupa na snagu danom donošenja i objavit će se na web- stranici općine Sanski Most, [www.sanskimost.gov.ba](http://www.sanskimost.gov.ba).

### **O b r a z l o ž e n j e**

Općinski načelnik je u skladu sa član 24.tačka a) Zakona o javnim nabavkama BiH ("Službeni glasnik BiH", broj: 39/14") i u skladu sa ukazanom i planiranom potrebom, a na osnovu zahtjeva Službe za razvoj, poduzetništvo i resurse broj:02-11-2348/21 od 16.07.2021. godine i Odluke o izmjeni i dopuni Plana javnih nabavki općine Sanski Most, broj: 04-11-3379-6/20 od 30.08.2021. godine,donio Rješenje broj: 04-11-2728/21 od 31.08.2021. godine, o pokretanju pregovaračkog postupka bez objave obavještenja sa jednim ponuđačem za dodatne radove regulisanja otpadnih voda u naseljima Kruhari i Jezernice, procijenjene vrijednosti 22.400,00 KM.

Članom 24.tačka a) Zakona o javnim nabavkama se određuje da u slučaju ugovora o javnoj nabavci za dodatne radove, koji nisu uključeni u prvobitno razmatrani projekat ili u prvobitni zaključeni ugovor, ali koji usljed nepredviđenih okolnosti postanu neophodni za izvršenje ili izvođenje u njima opisanih radova i kada se takvi dodatni radovi ne mogu tehnički ili ekonomski odvojiti od osnovnog ugovora bez većih nepogodnosti za Ugovorni organ, ugovor se može zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći 20% od vrijednosti osnovnog ugovora.

U predmetnom slučaju osnov primjene su dodatni radovi za nabavku radova na regulisanju otpadnih voda u naseljima Kruhari-Jezernice, a prema osnovnom ugovoru broj:04-14-1-1319/19 od 20.07.2019. godine.

Poziv za učešće u pregovaračkom postupku bez objave obavještenja i dostavljanje početne ponude za pregovaranje upućen je firmi koja je obavljala poslove po osnovnom ugovoru broj: 04-14-1-1319/19 od 20.07.2019. godine.

Rok za dostavljanje zahtjeva-ponude za učešće u pregovaračkom postupku bio je 15.09.2021. godine do 13,00 sati i do navedenog roka firma kojoj je upućen poziv za učešće nije dostavila zahtjev-ponudu za učešće u postupku.

Putem e-maila, 13.09.2021. godine, dobili smo obavještenje od strane direktora firme, broj: 03-345-94/21, kojim nas obavještava da zbog prekomjernog angažovanja preduzeća na već ugovorenim radovima nisu u mogućnosti dostaviti ponudu za učešće u pregovaračkom postupku bez objave obavještenja o nabavci dodatnih radova regulisanja otpadnih voda u naselju Kruhari-Jezernice. Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku broj:04-11-2728/21 od 16.09.2021.godine.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom.

Iz navedenih razloga, primjenom člana 69. stav (2) tačka b) Zakona o javnim nabavkama BiH, riješeno je kao u dispozitivu ove Odluke.

Dostaviti:

1. web stranica Općine
2. dosije
3. a/a



**OPĆINSKI NAČELNIK**

**Faris Hasanbegović, prof.**